



Til allsherjarnefndar Alþingis
Frá Landvernd

Efni: Umsögn um frumvarp til laga um almenn hegningarlög, 89. mál,
umhverfisbrot

Vísað er í bréf allsherjarnefndar Alþingis, dagsett 2. nóvember 1999.

Landvernd telur mikilvægt að styrkja lög um umhverfisvernd á Íslandi. Einn liður í því er að treysta lagalegar forsendur fyrir refsingu fyrir þá sem gerast sekir um meiriháttar brot gegn lagaákvæðum um verndun umhverfis. Landvernd telur því ofangreint frumvarp framfaraspor.

Landvernd vill vekja athygli á því að í 2 tölulið er ekki minnst á flutninga. Lagt er til að greinin hljóði: Geymir, flytur eða losar úrgang þannig að af hlýst verulegt tjón á umhverfi eða veldur yfirvofandi hættu á slíku tjóni.

Landvernd telur að í 3 tölulið væri skynsamlegt að nefna gróðureyðingu. Lagt er til að greinin verði svo hljóðandi: Veldur verulegu jarðraski eða gróðureyðingu þannig að landið breyti varanlega um svip eða spillir merkur náttúruminum.

Þá vill Landvernd vekja athygli á því að í tölulið 3 er fjallað um varanlega breytingu. Þetta hugtak er mjög óljóst þegar náttúran er annars vegar þar sem sífellt eiga sér stað breytingar af náttúrlegum ástæðum. Etv. mætti leysa þetta með því að í stað "landið breyti varanlega um svip" komi: þannig að ásýnd lands og landsgæði spillist til lengri tíma.

Landvernd vill nota þetta tækifæri til að vísa í ályktun aðalfundar samtakanna frá því 30. október sl. Þar segir m.a: *aðalfundur lýsir yfir áhyggjum vegna fréttu um stórauðinn akstur utan vega. Fundurinn felur stjórn að taka sérstaklega á þessu máli á næsta starfsári.* Akstur utan vega getur haft mjög alvarlegar afleiðingar. Treysta þarf lagalegar forsendur til að refsa þeim sem með gálausum akstri valda náttúru- og gróðurspjöllum. Það væri óskandi að umrædd breyting á hegningarlögum hefði áhrif í þá veru.

f.h. Landverndar

Tryggvi Felixson, framkvæmdastjóri